

Wann wir dann demte zuuolge/ in diesem OberSechsfischen Kreis / den 12. dis Monats Decembris einen Kreis tag gegen Güterbock ausgeschrieben / als ist auch daselbst von der Churfürsten / Fürsten vnd Stende dieses Kreisses abgesandten/ neben andern bewilligten Artickeln / so wie obbemelt/ zu bestendiger auffrichtung/ vnd erhaltung des heiligen Reichs Münz Edict verordenet/ gleicher gestalt vorabschiedet/ vnd beschloffen worden/ das die aus vnd inländischen Thaler/ halbe Thaler/ vnd Orter/ sampt den obbemelten geringen Sorten / so des heiligen Reichs Münzordnung/ an schrot vnd Korn/ nicht gemess / wie dann dieselben hieueorn in etlichen andern des heiligen Reichs Kreissen/ vnd sonderlich auch auff jüngst gehaltenem probation tag zu Leipzig befunden/ vnd nach der Verschafft der Silber groschen/ so in diesem Kreis genge vnd gebe / nunmehr auff den Bruch taxirt sein/ fort an/ vor keine wehrschafft ausgegeben/ Sondern in die verordnete WechselStedte geantwortet/ vnd solches durch öffentliche Mandata im ganken Kreis zum förderlichsten solle publicirt/ vnd beuolen werden.

Damit nun jr/ vnd menniglich gewis sein möget/ welche Sorten an Thalern/ halben Thalern / vnd örtern vorweherschafft zugelassen/ oder dagegen verbotten seindt/ So haben wir (weil die Inländische/ vnd ausländische zugelassene Guldene Sorten/ sampt ihrem wehrt vnd taxa inn der Reichsordnung zubefinden) neben höchstgedachter Röm: Kay: Mayt: vnd den vnsern / auch etlicher anderer Churfürsten/ Fürsten vnd Stende Thaler/ so des heiligen Reichs ordnung/ an schrot vnd Korn/ gemess (in massen dann die auff solche ordnung geschlagene Reichs güldener / so Ein vnd zwanzig Groschen gelten / auch seindt) zusammen/ Vnd dagegen die andern geringen Thaler/ vnd oberwensche Spitzgroschlein/ auch Marien / vnd Braunschweigische groschen